



# Icyegeranyo cy'amakuru y'imikino yaranze icyumweru

2023

Taliki 12-15 Gicurasi



P.1 Triathlon : Ngendahayo na Mutimukeye begukanye irushanwa ryo Kwibuka

## Ijambo ry'ibazze

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'l'mikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

# Ibirimo

- P1 **Triathlon:** Ngendahayo na Mutimukeye begukanye irushanwa ryo Kwibuka
- P2 **Football:** Rayon Sports na APR FC zizakina umukino wa nyuma w'igikombe cy'Amahoro
- P2 **Wheelchair Basketball:** Gasabo na Kicukiro zegukanye igikombe cya shampiyona
- P3 **Basketball:** Uko imikino ya shampiyona yagenze
- P4 **Cricket:** Challengers CC yegukanye "Dafabet RCA T20 Men's Tournament 2023"
- P5 **Football:** Rayon Sports yegukanye shampiyona y'icyiciro cya kabiri mu bagore
- P5 **Golf:** Habaye irushanwa ryo Kwibuka
- P6 **Football:** Hashyizweho Komite nyoboz y'inzibacyuho ya FERWAFA
- P6 **Cricket:** Hatangiye irushanwa "RCA Dafabet T20" mu bagore
- P7 **Kung Fu-Wushu:** Inteko rusange yemeje amategeko shingiro n'amabwiriza ngengamikorere
- P8 **Cricket:** Satguru yahaye ibihembo abakinnyi babiri b'ikipe y'igihugu

# Triathlon : Ngendahayo na Mutimukeye begukanye irushanwa ryo Kwibuka

Ishyirahamwe ry'umukino wa Triathlon mu Rwanda "RTF" ku bufatanye na Minisiteri ya Siporo "MINISPORTS", Komite Olempike y'u Rwanda n'Akarere ka Nyaruguru ryateguye irushanwa ryo Kwibuka ku nshuro ya 29 Jenoside yakorewe Abatutsi mu 1994 "Race to Remember Nyaruguru Duathlon Challenge 2023".

Iri rushanwa ryabaye taliki 13 Gicurasi 2023 mu Karere ka Nyaruguru ryitabriwe n'abakinni 32 bari mu byiciro bitandukanye.

Mbere yo gusiganwa aba bakinni ndetse n'abayobozzi batandukanye bari bayobowe na Meya w'Akarere ka Nyaruguru, Murwanashyaka Emmanuel babanje gushyira indabo ku Rwbibutso rwa Jenoside yakorewe Abatutsi mu 1994 ruri inyuma y'ibiro by'Akarere ka Nyaruguru.

Abitabiriye isiganwa babanje gusiganwa intera ya kilometero 5 ku maguru nyuma basiganwa kilometero 20 ku igare basoza basiganwa ku maguru intera ya kilometero 2,5.

Abasiganwe bahagurukiye i Ndago munsi y'ibiro by' Akarere ka Nyaruguru bakomereza i Kibeho baragaruka bafata igare berekeza ku Munini bakatira mu mudugudu w'icyitegererezo "Munini IDP Model Village" bagaruka i Ndago bakomereza i Kibeho barakata bagaruka i Ndago nyuma basiganwa intera ya kilometero 2.5 ku maguru basoza bakoze intera ya kilometero 27,5.

Mu cyiciro cy'abagabo, Ngendahayo Jeremie ni we wegukanye umwanya wa mbere aho yakoreshheje isaha 1, iminota 12 n'amasegonda 20. Yakurikiwe na Habimana Jean Eric wakoreshheje isaha 1, iminota 18 n'amasegonda 28 naho ku mwanya wa 3 haza Gatete Vital wakoreshheje isaha 1, iminota 20 n'amasegonda 25.


Mu bagore hasiganwe abakinni babiri aho Mutimukeye Saidat yegukanye umwanya wa mbere akoresheje isaha 1, iminota 47 n'amasegonda 55 naho ku mwanya wa kabiri haza Akimana Valentine wakoreshheje amasaha 2, iminota 11 n'amasegonda 20.

Muri iri rushanwa hari abakinishije amagare asanzwe atari aya siporo aho Mbarubukeye Elias yegukanye umwanya wa mbere akoresheje isaha 1, iminota 26 n'amasegonda 50 akurikirwa na Niyombikesha Jean Claude wakoreshheje isaha 1, iminota 27 n'amasegonda 28 mu gihe ku mwanya wa 3 haje Nsengiyumva Anicet wakoreshheje isaha 1, iminota 36 n'amasegonda 32.

Mu cyiciro cy'abakuze, Nyandwi Vianney ni we waje ku mwanya wa mbere akoresheje isaha 1, iminota 28 n'umunota 01 akurikirwa na Nkurunziza Boniface wakoreshheje isaha 1 niminota 38 naho ku mwanya wa 3 haza Hakuzimana Jean Paul wakoreshheje isaha 1, iminota 29 n'amasegonda 30.

Mu cyiciro cy'abafite ubumuga hakinnye umukinni umwe, Rukundo Augustin wakoreshheje isaha 1, iminota 29 n'amasegonda 55.

Iri rushanwa ryahuriranye n'igikorwa cyo gutangiza ku mugaragaro ikipe y'umukino wa Triathlon y'Akarere ka Nyaruguru "Kibeho Holy Land Triathlon Club".



## **Football: Rayon Sports na APR FC zizakina umukino wa nyuma w'igikombe cy'Amahoro**

Taliki 13 na 14 Gicurasi 2023 ni bwo habaye imikino ya ½ yo kwishyura mu irushanwa ry'igikombe cy'Amahoro 2023 aho ikipe ya Rayon Sports na APR FC zakatishije itike yo gukina umukino wa nyuma.

Ikipe ya Rayon Sports yitwaye neza isezerera Mukura ku bitego 4-3. Umukino ubanza wabereye i Huye, taliki 10 Gicurasi 2023 aho Rayon Sports yatsinze Mukura ibitego 3-2 naho umukino wo kwishyura wabereye kuri Kigali Pele Stadium, taliki 13 Gicurasi 2023, aya makipe yombi yanganyije igitego 1-1.

Indi kipe yageze ku mukino wa nyuma ni APR FC aho yasezereye Kiyovu muri ½ ku bitego 3-2. Umukino ubanza wabereye kuri Sitade ya Bugesera taliki 10 Gicurasi 2023, aya makipe yombi yanganyije igitego 1-1 naho umukino wo kwishyura wabereye kuri Kigali Pele Stadium, APR FC itsinda Kiyovu ibitego 2-1.

Biteganyijwe ko imikino ya nyuma izabera kuri Sitade ya Huye taliki O3 Kamena 2023. Ikipe ya Mukura izakina na Kiyovu mu guhatanira umwaya wa gatatu naho Rayon Sports ikine na APR FC mu mukino wo guhatanira igikombe.

Ikipe ya AS Kigali ni yo ifite igikombe cy'Amahoro giheruka 2022 aho yatsinze ku mukino wa nyuma ikipe ya APR FC.

Ikipe yegukanye igikombe cy'Amahoro ni yo ibona itike yo guserukira u Rwanda mu mikino y'Afurika y'amakipe yatwaye ibikombe iwayo "Total CAF Confederation Cup".



## **Wheelchair Basketball: Gasabo na Kicukiro zegukana igikombe cya shampiyona**

Taliki ya 14 Gicurasi 2023, i Masoro ku kibuga cya STECOL Corporation habereye imikino ya nyuma ya Basketball y'abafite ubumuga « Wheelchair Basketball Championship 2022-2023 » aho Kicukiro yegukanye igikombe cya shampiyona mu bagabo, Gasabo icyegukana mu bagore.

Iyi Shampiyona yari igizwe n'amakipe 7 agabanyije mu matsinda abiri. Irya mbere ryari ririmo Gasabo, Musanze na Eagles, irya kabiri ririmo Kicukiro, Bugesera, Gicumbi na Indangamirwa.

Ayabashije kugera ku mikino ya nyuma ni Eagles na Indangamirwa zakiniye umwanya wa gatatu, naho ku mwanya wa mbere hakina Kicukiro na Gasabo.

Umukino wa Kicukiro na Gasabo zahataniye igikombe cya Shampiyona ya 2022-2023 mu bagabo warangiye Kicukiro itsinze ku manota 34 kuri 25.

Mu cyiciro cy'abagore, ikipe ya Gasabo yatsinze Kicukiro amanota 3-2.

Amakipe yitwaye neza kandi azatoranywamo abakinni bashobora kuzifashishwa mu mikino y'Afurika y'abafite ubumuga ya 2023 izabera i Accra muri Ghana muri Nzeri 2023.



# Basketball : Uko imikino ya shampiyona yagenze

Taliki 12 kugeza 14 Gicurasi 2023 habaye imikino ya shampiyona mu mukino wa Basketball y'icyiciro cya mbere mu bagabo n'abagore ndetse n'icyiciro cya kabiri mu bagabo.

## Uko imikino yagenze



### RWANDA BASKETBALL LEAGUE 2023 - MEN'S DIV 1, DAY 13 TO DAY 15 RESULTS

#### SECOND ROUND

DAY 13, FRIDAY 12/05/2023

ORION BBC	71-70	SHOOT 4 STARS
K TITANS	74-87	ESPOIR BBC

DAY 14, SATURDAY 13/05/2023

RP IPRC MUSANZE	28-82	TIGERS BBC
UGB	107-98	RP IPRC HUYE

DAY 15, SUNDAY 14/05/2023

RP IPRC MUSANZE	81-78	SHOOT 4 STARS
ORION BBC	75-83	TIGERS BC
RP IPRC KIGALI	87-91	K TITANS

### RWANDA BASKETBALL LEAGUE 2022-2023 MEN DIV1 | ROUND 2 RANKING 14/05/2023

RANK	TEAM	PG	W	L	F	PTS	FOR	AGAINST	GD
1	REG BBC	17	16	1	0	33	1603	1034	569
2	K TITANS BBC	19	11	8	0	30	1523	1357	166
3	ESPOIR BBC	16	13	3	0	29	1319	1077	242
4	UGB	19	10	9	0	29	1329	1328	1
5	ORION BBC	18	10	8	0	28	1338	1321	17
6	TIGERS BBC	18	10	8	0	28	1272	1184	88
7	PATRIOTS BBC	12	10	2	0	22	989	713	276
8	SHOOT 4 STARS BBC	17	5	12	0	22	1182	1409	-227
9	APR BBC	11	9	2	0	20	992	596	396
10	RP-IPRC HUYE BBC	16	4	12	0	20	1071	1308	-237
11	RP-IPRC KIGALI BBC	18	0	18	0	18	1113	1574	-461
12	RP-IPRC MUSANZE BBC	17	1	16	0	18	847	1677	-830

PG: PLAYED GAMES W: WIN L : LOSS PTS: POINTS GD: GOAL DIFFERENCE



### RWANDA BASKETBALL LEAGUE 2023 WOMEN CAT - DAY 1 RESULTS

SATURDAY 13/05/2023

#### SECOND ROUND

GS MARIE REINE	66-76	RP IPRC HUYE
UR KIGALI	35-115	REG BBC
UR HUYE BBC	28-157	APR BBC



### RWANDA BASKETBALL LEAGUE 2022-2023 WOMEN DIVISION 1 | 2ND ROUND RANKING 13/05/2023

RANK	TEAM	PG	W	L	F	PTS	FOR	AGAINST	GD
1	APR BBC	8	8	0	0	16	742	315	427
2	REG BBC	8	7	1	0	15	784	367	417
3	RP-IPRC HUYE BBC	7	5	2	0	12	561	409	152
4	GS MARIE REINE BBC	8	3	5	0	11	472	438	34
5	THE HOOPS RWA	7	3	4	0	10	386	442	-56
6	GS GAHINI BBC	6	3	3	0	9	267	387	-120
7	UR KIGALI BBC	8	1	7	0	9	280	714	-434
8	UR HUYE BBC	8	0	7	0	7	297	717	-420



### RWANDA BASKETBALL LEAGUE 2023 MEN'S DIV 2 - DAY 7 RESULTS

SATURDAY 13/05/2023

#### SECOND ROUND

ELITE	66-59	KARONGI BBC
SPARTANS	61-64	BLACK THUNDERS BBC
UR KIGALI	64-80	RUSIZI BBC
UR HUYE	68-81	AZOMCO

RANK	TEAM	PG	W	L	F	PTS	FOR	AGAINST	GD
1	RUSIZI BBC	13	13	0	0	26	1003	770	233
2	INTARE BBC	12	8	4	0	20	823	737	86
3	THE HOOPS	11	8	3	0	19	763	703	80
4	ELITE BBC	14	5	9	0	19	936	890	46
5	ITS KIBALI BBC	11	7	4	0	18	797	704	93
6	KARONGI BBC	12	6	6	0	18	822	723	99
7	UR KIGALI BBC	13	3	10	0	16	778	866	-88
8	KICUKIRO BUCKETS	11	4	7	0	15	563	514	49
9	UK BBC	11	0	11	0	11	510	1108	-598

RANK	TEAM	PG	W	L	F	PTS	FOR	AGAINST	GD
1	KEPLER BBC	12	11	1	0	23	862	605	257
2	INSPIRED GENERATION	12	10	2	0	22	946	585	361
3	FLAME BBC	12	8	4	0	20	848	696	152
4	AZOMCO BBC	12	8	4	0	20	724	757	-33
5	UR HUYE BBC	13	6	7	0	19	893	895	-2
6	WIBENA BBC	13	6	7	0	19	822	783	29
7	BLACK THUNDERS BBC	13	4	9	0	17	672	912	-240
8	REBERO BB ACADEMY	11	2	9	0	13	533	693	-160
9	SPARTANS BBC	12	0	12	0	12	517	880	-363

Ikipe ya Challengers CC ni yo yegukanye irushanwa "Dafabet RCA T20 Men's Tournament 2023" ryateguve n'ishyirahamwe ry'umukino wa Cricket mu Rwanda "RCA" ku bufatanye na Dafabet.

Iri rushanwa ryasojwe taliki 13 Gicurasi 2023 ryari ryatangiye taliki 15 Mata 2023 ryari ryitabiriwe n'amakipe 6 asanzwe akina shampiyona y'icyiciro cya mbere mu bagabo ari yo Challengers CC, Right Guards CC, Zonic Tigers CC, Kigali CC, Telugu Royals CC na IPRC Kigali CC.

Aya makipe yakinnye hagati yayo hanyuma ikipe ya Challengers CC isoreza ku mwanya wa mbere naho Telugu Royals CC iza ku mwanya wa kabiri.

Taliki 13 Gicurasi 2023 ni bwo habaye umukino wo guhatanira igikombe wabereye kuri Sitade Mpuzamahanga ya Gahanga aho ikipe ya Challengers CC yitwaye neza itsinda Telugu Royals CC.

### DAFABET RCA T20 MENS TOURNAMENT 2023

(Final) 20 Ov. 🏏

GAHANGA CRICKET STADIUM, Kigali, 13-May-23 01:14 PM

**TELUGU ROYALS CC**

**92/10** (17.2 Ov)

**CHALLENGERS CC**

**93/1** (12.5 Ov)

Challengers CC won by 9 wickets

#### Uko amakipe yakurikiranye

Ikipe ya Challengers CC yasoreje ku mwanya wa mbere ihabwa igikombe na sheki ya miliyoni imwe. Ku mwanya wa kabiri hasoreje ikipe ya Telugu Royals CC yahawe ibihumbi 500.

Ku mwanya wa 3 hasoreje IPRC Kigali, Right Guards CC (5), Zonic Tigers CC (6) na ho Kigali CC isoreza ku mwanya wa nyuma wa 6.

#### Ibindi bihembo byatanzwe

Obuya Robinson ukinira Challengers CC yahawe igihembo cy'uwarushije abandi gukubita agapira "Best Batter". Mu mikino 5 yakinnye yatsinze amanota 174. Obuya yahawe ibihumbi 100. Yabaye kandi uwarushije abandi gutsinda amanota 6 inshuro nyinshi "Top six Hitter" ahabwa ibihumbi 70. Obuya Robinson yanahawe igihembo cy'uwakinnye neza mu kibuga "Best Fielder" aho yahawe nabwo ibihumbi 70.

Uwarushije abandi gutera agapira "Best Bowler" yabaye Ramu Moramudi ukinira Telugu Royals CC aho mu mikino 5 yasohoye mu kibuga abakinnyi 10(10 Wickts). Yahawe ibihumbi 100.

Umukinnyi witwaye neza mu irushanwa ryose "Player of the Tournament" yabaye Roger Mukasa ukinira ikipe ya Telugu Royals CC aho yahawe ibihumbi 200.

Nyuma yo kwegukana igikombe, kapiteni w'ikipe ya Challengers CC, Srinath Vardhineni yatangaje ko icyabafashije kwitwara neza ari ugushyira hamwe nk'abakinnyi. Yakomeje avuga ko bakosoye amakosa bakoze mu irushanwa rya "T10" aho batsinzwe na IPRC Kigali CC ikabatwara igikombe.

Srinath ashimangira ko bagiye gukomeza gukora cyane kugira ngo n'amarushanwa ari imbere bazitware neza.

Umuyobozi ushinzwe ibikorwa muri RCA, Byiringiro Emmanuel yagaragajje ko muri rusange irushanwa ryagenze neza. Yakomeje avuga ko aya marushanwa arimo gufasha abakinnyi kuzamura urwego rwabo rw'imikinire bakaba bakomeje gushaka n'abandi bafatanyabikorwa kugira ngo amarushanwa yiyoungere.

Iri rushanwa ni irya kabiri nyuma ya "Dafabet RCA T10 Men's Tournament 2023" ryabaye kuva taliki 18 Werurwe kugeza 15 Mata 2023 aho ryegukanwe n'ikipe ya IPRC Kigali CC itsinze Challengers CC ku mukino wa nyuma.



## Football : Rayon Sports yegukanye

### shampiyona y'icyiciro cya kabiri mu bagore

Taliki 14 Gicurasi 2023 ni bwo hakinwe imikino ya nyuma yo muri shampiyona y'icyiciro cya kabiri mu mupira w'amaguru mu bagore "Second Division Women Championship 2022-2023" aho ikiye ya Rayon Sports WFC yegukanye igikombe.

Iyi mikino ya nyuma yabereye kuri Sitade ya Bugesera. Mu guhatanira umwanya wa 3, ikiye ya APR WFC yatsinze Nasho WFC ibitego 3-1.

Ku mukino wa nyuma, ikiye ya Rayon Spots WFC yatsinze Indahangarwa WFC kuri penaliti 4-3 nyuma yo kunganya igitego 1-1.

Aya makipe yakinnye umukino wa nyuma, Rayon Sports na Indahangarwa WFC zabonye itike yo gukina shampiyona y'icyiciro cya mbere umwaka utaha w'imikino wa 2023-2024 aho zasimbuye ikiye ya Youvia WFC na Kayonza WFC zamanutse mu cyiciro cya kabiri.



## Golf : Habaye irushanwa ryo

### Kwibuka

Taliki 13 Gicurasi 2023, ishyirahamwe ry'umukino wa Golf mu Rwanda ku bufatanye na Minisiteri ya Siporo "MINISPORTS", Komite Olempike y'u Rwanda ryateguye irushanwa ryo Kwibuka ku nshuro ya 29 Jenoside yakorewe Abatutsi mu 1994.

Iri rushanwa ryabereye kuri Kigali Golf Resort & Villas aho ryitabiriwe n'abakinni 79.

Nyuma y'iri rushanwa habayeho igikorwa cyo gutera igiti, iki gikorwa cyakozwe n'abakinni n'abayobozi ba Kigali Golf Resort & Villas ndetse n'imiryango y'abahoze ari abakinni ba Golf bazize Jenoside yakorewe Abatutsi mu 1994.

Ibi biti bikaba biriho amazina y'abahoze ari abakinni ba Golf ari bo Sakumi Anselme, Bukaka Gérard na Dr Munyangyeo Charles akaba ari bo bamaze kumenyekana ko bishwe muri Jenoside bakinaga uyu mukino.



## Football: Hashyizweho Komite nyoboz y'inzibacyuho ya FERWAFA

Taliki 15 Gicurasi 2023 muri Lemigo Hotel habereye inama y'inteko rusange idasanzwe y'ishyirahamwe ry'umupira w'amagru "FERWAFA".

Muri iyi nama y'inteko rusange, Abanyamuryango bagaragarijwe ubwegure bw'Abagize Komite bityo itegeko rikaba riteganya ko abasigaye iyo batageze kuri 2/3 nta cyemezo bafata.

Abanyamuryango bemeje Komite y'inzibacyuho izayobora iminsi 39 isigaye kugeza ku munsi w'amatora azaba taliki 24 Kamenya 2023. Iyi Komite igizwe na Habyarimana Marcel Matiku wari usanzwe ari Visi Perezida wa FERWAFA akaba azafatanya na Mudaheranwa Hadji, umuyobozi wa Gorillas FC na Munyankaka Ancilla, umuyobozi w'Inyemera WFC.

Umuyobozi wa Komisiyo y'amatora, Kalisa Adolphe yagejeje ku banyamuryango ingengabihe y'amatora azaba taliki 24 Kamenya 2023.

Biteganyijwe ko kuva taliki 22 kugeza 26 Gicurasi 2026 ari bwo abifuza kuyobora FERWAFA bazatanga candidature. Taliki 29 na 30 Gicurasi 2023 ni bwo izi kandidature zizasuzumwa. Taliki 31 Gicurasi kugeza 06 Kamenya 2023 ni Komisiyo izatanga umwanya wo kwemeza abakandida. Taliki 15 Kamenya 2023 ni bwo hazatangazwa abakandida.

Taliki 24 Kamenya 2023 hazaba amatora nyirizina hanyuma taliki 27 Kamenya 2023 abatangire imirimo.



## Cricket: Hatangiye irushanwa "RCA Dafabet T20" mu bagore

Taliki 14 Gicurasi 2023 kuri Sitade Mpuzamahanga ya Gahanga hatangiye irushanwa "RCA Dafabet Women's T20 Tournament 2023" ryateguve n'ishyirahamwe ry'umukino wa Cricket mu Rwanda "RCA" ku bufatanye na Dafabet.

Iri rushanwa ryitabiriwe n'amakipe 5 asanzwe akina shampiyona y'icyiciro cya mbere mu bagore ari yo Gahanga Queens CC, Indatwa Hampshire CC, Charity CC, Sorwathe CC na White Clouds CC.

Biteganyijwe ko aya makipe azakina hagati yayo kugeza taliki 28 Gicurasi 2023 hanyuma ikipe ya mbere n'iya kabiri zikine umukino wa nyuma wo guhatanira igikombe, taliki 03 Kamenya 2023.

### Uko imikino y'umunsi wa mbere yagenze

Ku munsi wa mbere w'iri rushanwa, ikipe ya Gahanga Queens CC yitwaye neza itsinda White Clouds naho Indatwa Hampshire CC itsinda Sorwathe CC.

#### DAFABETS RCA T20 WOMENS LEAGUE DIV1 2023

(League Matches) 18 Ov. 🏏

GAHANGA CRICKET STADIUM, Kigali, 14-May-23 09:30 AM

SORWATHE WOMEN CC

**49/10** (15.5 Ov)

INDATWA HAMPSHIRE WOMEN CC

**53/1** (6.3 Ov)

Indatwa Hampshire Women CC won by 9 wickets

#### DAFABETS RCA T20 WOMENS LEAGUE DIV1 2023

(League Matches) 20 Ov. 🏏

GAHANGA CRICKET STADIUM, Kigali, 14-May-23 12:57 PM

GAHANGA QUEENS

**175/2** (20.0 Ov)

WHITE CLOUDS CC

**38/10** (14.5 Ov)

Gahanga Queens won by 137 runs

Imikino izakomeza mu mpera z'iki Cyumweru aho taliki 20 Gicurasi 2023, ikipe ya Gahanga Queens CC izakina na Indatwa Hampshire CC (09h30) naho Charity CC ikine na Sorwathe CC (13h30).

Taliki 21 Gicurasi 2023, ikipe ya Gahanga Queens CC izakina na Sorwathe CC (09h30) naho White Clouds CC ikine na Charity CC (13h30).

Iri rushanwa rije rikurikira irindi "Dafabet RCA T10 Women's Tournament 2023" ryabaye taliki 04 kugeza 12 Werurwe 2023 aho ryegukanwe n'ikipe ya Charity CC itsinze Indatwa Hampshire CC ku mukino wa nyuma.

## Kung Fu-Wushu: Inteko rusange yemeje amategeko shingiro n'amabwiriza ngengamikorere

Taliki 14 Gicurasi 2023 habaye inama y'inteko rusange y'ishyirahamwe ry'umukino wa KungFu-Wushu mu Rwanda "RKWF".

Muri iyi nama yabereye muri Centre Missionnaire Lavigerie mu Kiyovu, hemejwe inyandiko mvugo y'inama rusange iheruka, hagaragajwe raporo y'umutungo n' iy' ibikorwa byakozwe mu mwaka ushize wa 2022 ndetse hanemezwa gahunda y'ibikorwa by'umwaka wa 2023.

Abanyamuryago kandi ba RKWF bemeje amategeko shingiro n'amabwiriza ngengamikorere.

Perezida wa RKWF, Uwiragiye Marc yatangaje ko inama yagenze neza ko abanyamuryango barebeye hamwe ibyakozwe umwaka ushize wa 2022 ndetse bakemeza na gahunda y'ibikorwa bya 2023.

Yakomeje avuga ko habaye n'igikorwa cyo kwemeza amategeko shingiro n'amabwiriza ngengamikorere ya RKWF akaba ari byiza kuko harimo uburyo umunyamuryango agomba kwitwara, inshingano ze n'icyo asabwa gukora.

Uwiragiye yavuze ko mu bikorwa biteganyijwe mu minsi ya vuba hazaba irushanwa ryo Kwibuka abari mu muryango mugari wa siporo bazize Jenoside yakorewe Abatutsi mu 1994. Iri rushanwa rizaba ari mpuzamahanga rizabera muri STECOL muri Kigali Free Zone, taliki 17 na 18 Kamena 2023.

Yagarutse kandi ku irushanwa ry'igikombe cy'Isi "16th World Wushu championship 2023" rizabera Dallas muri USA kuva taliki 14 kugeza 22 Ugushyingo 2023. Ati : "Turateganya kuzitabira iyi mikino, imyiteguro tuyigeze kure, abazitabira batangiye imyitozo."

Iyi azaba ari inshuro ya kabiri u Rwanda rwitabiriye kuko ku nshuro ya mbere rwitabiriye ubwo iyi mikino iheruka mu Kwakira 2019 i Shanghai mu Bushinwa.

Perezida wa RKWF, Uwiragiye yavuze ko bakomeje gufasha abanyamuryango kubona ubuzima gatozi kuko 3 bamaze kububona mu gihe abandi bane batanze ibyangombwa byose bisabwa bakaba bategereje.

### Ibindi bikorwa biteganyijwe

Mu bindi bikorwa biteganyijwe hari amahugurwa y'abasifuzi "International Wushu Judges Training & Certification Course" azabera i Cairo mu Misiri, taliki 08 kugeza 14 Kamena 2023.

Hateganyijwe kandi imikino y'Afurika y'abakiri bato "African Junior Wushu Championship 2023" izabera muri Cote d'Ivoire muri Nyakanga 2023.

Taliki 13 Kanama 2023 hateganyijwe shampiyona y'igihugu mu bakiri bato "National Junior Wushu Championship 2023" izabera kuri Sitade Umuganda i Rubavu.

Muri Nzeri 2023, ikipe y'u Rwanda izatabira irushanwa mpuzamahanga Dar es Salaam muri Tanzania "Tanzania International Wushu Competition 2023".

Mu Kwakira 2023 hateganyijwe imyitotozo y'amakipe y'imbere mu gihugu izayoborwa n'abatoza b'inzobere.

Hateganyijwe kandi igikorwa cyo gutangiza umushinga wa Kung-Fu Wushu mu mashuri. Iyi gahunda izaba mu Kwakira 2023 mu mashuri azaba yatoranyijwe mu Mujyi wa Kigali.

Umwaka w'imikino uzasozwa na shampiyona y'igihugu mu bakuru "National Senior Wushu Championship 2023" izatangira mu Kwakira 2023 haba imikino y'amajonjora mu Ntara zitandukanye nyuma imikino ya nyuma ibere i Kigali mu Gushyingo 2023.



## Cricket: Satguru yahaye ibihembo abakinnnyi babiri b'ikipe y'igihugu

Taliki 13 Gicurasi 2023, abakinnnyi babiri b'ikipe y'u Rwanda mu mukino wa Cricket mu bagore, Ishimwe Henriette na Ishimwe Gisele bahawe ibihembo na Satguru , Sosiyete icuruza amatike y'indege mu Rwanda.

Aba bakinnnyi bombi bitwaye neza bafasha ikipe y'u Rwanda y'abakobwa batarengeje imyaka 19 gukora amateka ibona itike y'igikombe cy' Isi 2023 "ICC U-19 Women's T20 World Cup 2023", aho imikino yabereye muri Afurika y'Epfo kuva taliki 14 kugeza 29 Mutarama 2023. Ikipe y'u Rwanda yitwaye neza isoreza ku mwanya wa 8 mu makipe 16 yitabiriye aho yatsinze imikino 3 muri 5 yakinnye. Ikipe y'u Rwanda yatsinze Zimbabwe na West Indies.

Umukinnnyi Ishimwe Gisele akaba ari we wari kapiteni w'iyi kipe y'abatarengeje imyaka 19.

Ishimwe Henriette yitwaye neza yegukana igihembo gitangwa n' ishyirahamwe mpuzamahanga ry'umukino wa Cricket "ICC" nk'uwitwaye neza muri Werurwe 2023 "ICC Women's Player of the Month for March 2023".

Uyu mukinnnyi kandi yitwaye neza afasha ikipe y'u Rwanda kwegukana umwanya wa kabiri mu irushanwa mpuzamahanga ryabereye muri Nigeria "NCF Women's T20 International Cricket Tournament 2023".

Ishimwe Henriette mu irushanwa mpuzamahanga riheruka kubera muri Uganda "Victoria Series 2023" yahawe igihembo cy'umukinnnyi witwaye neza mu irushanwa ryose "Player of the series".

Nyuma yo guhabwa igihembo na Satguru, Ishimwe Henriette yatangaje ko bishimishije kuba hari ababonye ko yakoze ibikorwa byiza bakifusa kumushyigikira. Ati: "Ibi bituma umuntu agira imbaraga zo gukomeza gukora cyane".

Kapiteni w'ikipe y'u Rwanda U-19, Ishimwe Gisele yagaragaje ko intambwe nziza bateye yo kumenyekanisha umukino hari ababibonye barabyishimira bityo bagiye gukomeza intego bihaye yo kuzamura uyu mukino.

Aba bakinnnyi bombi bashishikarije abana b'abakobwa gukora cyane ntibacike intege kandi ntibitinye kuko bashoboye mu mukino uwo ari wo wose.

Umuyobozi mu ishyirahamwe ry'umukino wa Cricket mu Rwanda "RCA" akaba ashinzwe ibikorwa, Byiringiro Emmanuel yatangaje ko bishimishije kuba abantu barimo kugenda babona iterambere uyu mukino ugezeho ndetse bakanishimira n'ibikorwa birimo no kwitwara neza kw'abakinnnyi.

Yagize ati : "Ibi birabatera imbaraga zo gukomeza kwitwara neza mu kibuga".

Yakomeje avuga ko Satguru ubusanzwe ari umufatanyabikorwa kandi bari mu biganiro byo gukomeza ubufatanye no mu bindi bikorwa bitandukanye.





Website: [www.olympicrwanda.org](http://www.olympicrwanda.org)

[www.olympicrwanda.org/commonwealth](http://www.olympicrwanda.org/commonwealth)

Email: [cnosr@olympicrwanda.org](mailto:cnosr@olympicrwanda.org) | @RwandaOlympic

Address: Remera-Hallmark Center Building KG 17 Ave